

資治通鑑今註卷第二十一

司馬光編集
夏德儀註

漢紀十三

起玄默清澶，盡玄默敦煌，凡十一年。（壬申至壬午，西元前一〇九年至西元前九九年。）

世宗孝武皇帝下之上

元封二年西元前一〇九年

（一）冬十月，上行幸雍，祠五時；還，祝祠泰一^①，以拜德星。

（二）春正月，公孫卿言：「見神人東萊山^②，若云欲見天子。」天子於是幸緱氏城，拜卿爲中大夫；遂至東萊，宿留之，數日，無所見，見大人迹云。復遣方士求神怪，采芝藥^③，以千數。時歲旱，天子旣出無名，乃禱萬里沙^④。夏四月，還，過祠泰山。

（三）初，河決瓠子^⑤，後二十餘歲不復塞，梁楚之地^⑥尤被其害。是歲，上使汲仁、郭昌二卿，發卒數萬人，塞瓠子河決。天子自泰山還，自臨決河，沈白馬、玉璧于河，令羣臣從官，自將軍以下，皆負薪，卒填決河，築宮其上，名曰宣防宮。導河北行二渠，復禹舊迹^⑦，而梁楚之地復寧，無水災。

（四）上還長安。

(五)初令越巫祠上帝、百鬼，而用雞卜^㉔。

(六)公孫卿言：「僊人好樓居。」於是上令長安作蜚廉、桂觀，甘泉作益壽、延壽觀^㉕，使卿持節設具而候神人。又作通天莖臺^㉖，置祠具其下，更置甘泉前殿，益廣諸宮室。

(七)初，全燕之世^㉗，嘗略屬真番、朝鮮^㉘，爲置吏，築障塞。秦滅燕，屬遼東外徼。

漢興，爲其遠難守，復修遼東故塞，至沮水^㉙爲界，屬燕。燕王廔綰反入匈奴^㉚。燕人衛滿亡命，聚黨千餘人，椎髻蠻夷服，而東走出塞，度沮水，居秦故空地上下障，稍役屬真番、朝鮮蠻夷及燕亡命者，王之，都王險^㉛。會孝惠、高后時，天下初定，遼東太守卽約滿爲外臣，保塞外蠻夷，無使盜邊，諸蠻夷君欲入見天子，勿得禁止。以故滿得以兵威財物，侵降其旁小邑，真番、臨屯^㉜，皆來服屬，方數千里；傳子至孫右渠，所誘漢亡人滋多，又未嘗入見。辰國^㉝欲上書見天子，又雍闕不通。是歲，漢使涉何^㉞誘諭，右渠終不肯奉詔。何去，至界上，臨沮水，使御刺殺送何者朝鮮裨王長^㉟，卽渡馳入塞，遂歸報天子曰：「殺朝鮮將。」上爲其名美，卽不詰，拜何爲遼東東部都尉^㊱。

朝鮮怨何，發兵襲攻殺何。

(八)六月，甘泉房中產芝九莖，上爲之赦天下。

(九)上以旱爲憂。公孫卿曰：「黃帝時封則天旱，乾封三年。」上乃下詔曰：「天旱，意乾封乎？」

(十)秋，作明堂於汶上。

(十一)上募天下死罪爲兵，遣樓船將軍楊僕從齊浮渤海，左將軍荀彘出遼東，以討朝鮮。

(十二)初，上使王然于以越破及誅南夷兵威，喻滇王入朝。滇王者，其衆數萬人，其旁東北有勞深、靡莫，皆同姓相杖，未肯聽。勞深、靡莫數侵犯使者吏卒。於是上遣將軍郭昌、中郎將衛廣發巴蜀兵，擊滅勞深、靡莫，以兵臨滇。滇王舉國降，請置吏入朝。於是以爲益州郡，賜滇王王印，復長其民。是時漢滅兩越，平西南夷，置初郡十七，且以其故俗治，毋賦稅。南陽、漢中以往郡，各以地比，給初郡吏卒奉食、幣物、傳車、馬被具。而初郡時時小反，殺吏；漢發南方吏卒往誅之，間歲萬餘人，費皆仰給大農。大農以輪調鹽鐵助賦，故能贍之。然兵所過，縣爲以訾給毋乏而已，不敢言擅賦法矣。

(十三)是歲以御史中丞南陽杜周爲廷尉。周外寬，內深次骨，其治大放張湯。時

詔獄益多，二千石繫者新故相因，不減百餘人。廷尉一歲至千餘章^④，章大者連逮證案數百，小者數十人，遠者數千，近者數百里會獄^⑤。廷尉及中都官^⑥詔獄，逮至六七萬人，吏所增加十萬餘人^⑦。

【註】

①祝祠秦一：謂祭秦一而加祝辭。

②東萊山：謂東萊郡之山。

③芝藥：芝，菌類，生枯木上，昔人

以爲神草，服之得仙。藥謂長生不老之藥。

④萬里沙：在東萊郡曲成縣境；曲成故城在今山東省掖縣東北

⑤河決瓠子：見十八卷元光二年。

⑥梁楚之地：梁國在今江蘇、河南、山東三省交界處，楚國在今江蘇

省銅山縣附近，北及山東省地，南及安徽省地。

⑦導河北行二渠，復禹舊迹：漢書溝洫志謂禹導河自積石

，東至大伾，以河從高處來，水流湍急，難行平地，乃分二渠引河北行。按積石山在今青海省西寧縣西南，大伾山在今河南省濬縣東南。孟康曰：「二渠：其一出貝丘西南南折者也，其一則漯川也。」王先謙謂貝丘爲頓丘之

誤。按頓丘在今濬縣西；漯川故道自今河南省武陟縣起，經河北省入山東省，東注於海。孟氏又曰：「河自王莽時遂空，惟用漯耳。」茲再疏導黃河北行之二渠，故云「復禹舊迹」。

⑧雞卜：越俗用雞骨卜事之吉凶。

張守節曰：「雞卜法：用雞一、狗一，生祝願訖，即殺雞狗，煮熟又祭，獨取雞兩眼骨，上自有孔裂似人物形則吉，不足則凶。今嶺南猶行此法。」

⑨蜚廉、桂觀、益壽、廷壽：皆觀名。觀音貫。釋名：「觀，觀也，於

上觀望也；」謂作樓於上以觀望。武帝以僊人好樓居，故作諸觀。三輔黃圖：「飛廉觀高四十丈。延壽觀亦如之。」王鳴盛曰：「黃長客東觀餘論云：「史記作益延壽館，而近歲雍、耀間耕夫得古瓦，首作益延壽三字，瓦徑

尺，字畫奇古，卽此銷當時瓦也。」然則當以史記爲正，漢書郊祀志誤衍一壽字，顏云二館，非。」

④通

天璽臺：在甘泉宮。三輔黃圖引漢舊儀云：「通天者，言此臺高通於天也。」又引漢武故事云：「通天臺去地百餘丈，望雲雨悉在其下；上有承露盤，仙人擎玉杯以承雲表之露。」史記封禪書作通天璽臺。王先謙曰：「索隱

、漢書並無璽字，疑衍；案孝武紀亦無璽字。」⑤全燕之世：指戰國時之燕國，以別於漢之燕國。

⑥眞番

、朝鮮：眞番，後開爲郡，注見元封三年。朝鮮晉潮仙。漢朝鮮當今韓國北境及我國安東省之邊境。

⑦沮水

：今韓國之大同江。

⑧廬緇反入匈奴：見十二卷高祖十三年。

⑨王險：今韓國平壤。

⑩臨屯

：後開爲郡，注見元封三年。

⑪辰國：漢時朝鮮半島南部有三韓，辰國爲其一。

⑫涉何：姓涉名何

。⑬裨王長：顏師古曰：「長者，裨王名也。」

⑭遼東東部都尉：遼東郡在今遼東半島，東部都尉治

武次縣，故城在今遼寧省遼陽縣北。

⑮作明堂於汶上：漢書地理志，泰山郡奉高縣有明堂，在西南四里。

按奉高故城在今山東省泰安縣東北十七里，縣東十里有漢明堂故址。汶上，謂汶水之上。汶水源出今萊蕪縣東北

原山，亦稱大汶河，經泰安縣東，蜿蜒西南流，至東平縣合大小清河，至汶上縣入運河。此水本在東平縣南入濟

水，故舊稱入濟之汶，與源出今臨朐縣南，東流入濰之汶，及源出今費縣東，南流入沂之汶有別。

⑯渤海：

胡三省曰：「自青、萊以北，幽、平以南，皆濱於海，其海通謂之渤海，非指渤海郡而言也。」按今以山東、遼

東兩半島相接近處爲渤海海峽，其內稱渤海，其外稱黃海。

⑰勞深、靡莫：西南夷二小國名。勞深，史記作

勞漫。漫音漫。

⑱相杖：謂互相倚倚爲援，不聽滇王入朝於漢。

⑲益州郡：在今雲南省境，治滇池

，故城在今宜良縣地。

⑳初郡十七：初郡，初置之郡。元鼎六年，平南越，以其地置南海、鬱林、蒼梧、

合浦、九真、日南、交趾、珠厓、儋耳九郡；平西南夷，以其地置武都、牂柯、越巂、沈黎、汶山五郡；又分桂陽郡置零陵郡。本年擊降滇國，置益州郡。連前在建元六年降夜郎而置之犍爲郡，共十七郡。

⑤南陽、漢

中：南陽郡有今河南省西南部及湖北省西北部與河南省接界之地，漢中郡在今陝西省南部及湖北省西北部。

⑥以往郡：謂以往原有之舊郡。

⑦地比：顏師古曰：「謂依其次第自近及遠。」

⑧大農以均輸調鹽

鐵助賦：謂大農令以行均輸及筦鹽鐵所得之錢助益國家之財賦。

⑨贍：給、足。

⑩督：同贊。

⑪擅賦法：胡三省曰：「帝初擊胡，大司農賦稅專以奉戰士，故有擅賦之法，」

⑫次骨：次，至。謂用法

深刻至骨，喻深求苛刻之甚。

⑬大放：大抵依放。

⑭廷尉一歲至千餘章：謂諸獄告劾之書上於廷尉

者，一年多至千餘件。

⑮會獄：往受審訊。

⑯中郡官：京師諸官府。

⑰吏所增加十萬餘人：

謂吏又深文案附，使連逮者增加十萬多人。

三年西元前一〇八年

（一）冬十二月，雷，雨雹，大如馬頭。

（二）上遣將軍趙破奴擊車師。破奴與輕騎七百餘先至，虜樓蘭王，遂破車師，因舉兵威以困烏孫、大宛之屬。春正月甲申（是月丁亥朔，無甲申日），封破奴爲浞野侯；王恢佐破奴擊樓蘭，封恢爲浩侯。於是酒泉列亭障至玉門矣。

（三）初作角抵戲。魚龍曼延之屬。

（四）漢兵入朝鮮境，朝鮮王右渠發兵距險。樓船將軍將齊兵七千人先至王險，右渠城

守，竄知樓船軍少，卽出城擊樓船，樓船軍敗，散遁山中，十餘日，稍求退散卒，復聚。左將軍擊朝鮮沮水西軍，未能破。天子爲兩將未有利，乃使衛山^④因兵威往諭右渠。右渠見使者，頓首謝：「願降，恐兩將詐殺臣，今見信節，請復降。」遣太子入謝，獻馬五千匹，及饋軍糧，人衆萬餘持兵。方渡沮水，使者及左將軍疑其爲變，謂太子已服降，宜令人毋持兵；太子亦疑使者左將軍詐殺之，遂不渡沮水，復引歸。山還報天子，天子誅山。左將軍破沮水上軍，乃前至城下，圍其西北。樓船亦往會，居城南。右渠遂堅守城，數月未能下。左將軍所將燕代卒，多勁悍；樓船將齊卒已嘗敗亡困辱，卒皆恐，將心慙^⑤，其圍右渠，常持和節。左將軍急擊之。朝鮮大臣乃陰間使人私約降樓船^⑥，往來言，尙未肯決，左將軍數與樓船期戰，樓船欲就其約，不會。左將軍亦使人求間隙降下朝鮮，朝鮮不肯，心附樓船；以故兩將不相能^⑦。左將軍心意^⑧樓船前有失軍罪，今與朝鮮私善，而又不降，疑其有反計，未敢發。天子以兩將圍城乖異，兵久不決，使濟南太守公孫遂往正之，^{〔考異〕}史記作征之，蓋字誤，今從漢書。有便宜得以從事。遂至，左將軍曰：「朝鮮當下，久之不下者，樓船數期不會！」具以素所意告曰：「今如此不取，恐爲大害！」遂亦以爲然，乃以節召樓船將軍入左將軍營計事，卽命左將軍麾下執樓船將軍，并其軍，以報天子，

天子誅遂。

〔考異〕漢書作許遂。按左將軍亦以爭功相嫉，乖計棄市，則左將軍已并兩軍，卽急擊朝鮮。武帝必以遂執樓船爲非，漢書作許，蓋字誤，今從史記。

朝鮮相路人、相韓陰、

〔考異〕漢書陰作陶，今從史記。

尼谿相參、將軍王暎相與謀曰：「始欲降樓船，樓

船今執，獨左將軍并將，戰益急，恐不能與戰^⑤，王又不肯降。」陰、暎、路人皆亡降

漢，路人道死。夏，尼谿參使人殺朝鮮王右渠來降。王險城未下，故右渠之大臣成已又

反，復攻吏。左將軍使右渠子長，降相路人之子最，告諭其民誅成已，以故遂定朝鮮，爲

樂浪、臨屯、玄菟、眞番四郡^⑥。封參爲漻清侯^⑦，陰爲菽萑侯^⑧，暎爲平州侯^⑨，長

爲幾侯^⑩，最以父死，頗有功，爲涅陽侯^⑪。左將軍徵至，坐爭功相嫉，乖計棄市，樓船

將軍亦坐兵至列口^⑫，當待左將軍，擅先縱，失亡多，當誅，贖爲庶人。

班固曰：玄菟、樂浪，本箕子所封^⑬。昔箕子居朝鮮，教其民以禮義，田蠶織作，爲民設

禁八條；相殺，以當時償殺；相傷，以穀償；相盜者，男沒入爲其家奴，女爲婢，欲自

贖者，人五十萬，雖免爲民，俗猶荒之，嫁娶無所售；是以其民終不相盜，無門戶之閉

，婦人貞信不淫辟^⑭。其田野飲食以籩豆，都邑頗放效吏，往往以杯器食。郡初取吏於

遼東，吏見民無閉臧^⑮，及賈人往者，夜則爲盜，俗稍益薄。今於犯禁，寔多至六十餘

條。可貴哉仁賢之化也！然東夷天性柔順，異於三方之外，故孔子悼道不行，設浮桴於

海，欲居九夷^⑤，有以也夫！

(五) 秋七月，膠西王端^⑥薨。

〔考異〕荀紀，端皆作瑞，今從漢書。

(六) 武都氏^⑦反，分徙酒泉。

【註】

① 浞野侯、浞侯：從票侯趙破奴於元鼎五年坐酎金失侯，今以擊樓蘭功復封浞野侯。浞野侯及浞侯之食邑俱不詳。按此封浞侯之王恢與元光中設計馬邑以大行令爲將軍下獄而死之王恢非一人。

② 於是酒泉列亭障至玉門矣

：按自元狩二年霍去病收復河西休屠及昆邪王地以來，不惟先後設置四郡，更列亭障以保通路。蓋既擊破樓蘭、車師，遂自酒泉西展，列亭障至敦煌郡之玉門關。

③ 角抵戲：角抵亦作角觝、穀抵，古校力之戲。文穎曰

：「兩兩相當，角力角技藝射御。」王先謙謂卽今之貫跤。

④ 魚龍：戲術之名。顏師古曰：「魚龍者，爲

舍利之獸，先戲於庭極，畢，乃入殿前激水，化成比目魚，跳躍激水，作霧障日，畢，化成黃龍八丈，出水敖戲於庭，炫耀日光。西京賦云：『海鱗變而成龍，』卽謂此也。」

⑤ 曼延：亦作漫衍，戲術之名。顏師古曰

：「漫衍者，卽張衡西京賦所云『巨獸百尋，是爲漫延』者也。」

⑥ 衛山：王先謙謂此又一衛山，非漢書

功臣表之義陽侯衛山。

⑦ 愾：愾沮，謂懷愾而沮喪不振。

⑧ 陰間使人私約降樓船：陰，暗密；間，

空隙。謂朝鮮大臣祕密派人伺空隙而來，私與樓船將軍約降。

⑨ 不相能：不相得。

⑩ 心意：心疑。

⑪ 恐不能與戰：漢書「恐不能與」下無「戰」字。王念孫謂史記此句之「戰」字係後人妄加。恐不能與，言左將

軍并將兩軍而戰益急，恐不能敵。古謂相敵曰與。

⑤樂浪、臨屯、玄菟、真番四郡：樂浪、臨屯俱在今韓

國境內，樂浪偏西，臨屯偏東，樂浪郡治朝鮮縣，即今平壤，蓋以右渠所都爲治，樂音洛，浪音狼。臨屯郡治東

曉縣，今地不詳。曠音移。玄菟、真番俱在今安東省及韓國北部，玄菟偏東，真番偏西。玄菟郡治高句驪縣，今

安東省新賓縣北。菟音徒。真番郡治靺鞨縣，不知今爲何地。番音盤。靺音摺。後臨屯併於樂浪，真番併於玄菟。

⑥遼清侯：食邑於齊郡。齊郡臨淄縣附近有遼水。遼音獲。

⑦菽丘侯：漢書功臣表作荻丘侯，食邑於勃海郡。此從史記，作菽，音秋。

⑧平州侯：食邑於泰山郡之梁父縣，今山東省泰安縣南六十里。

⑨渥陽侯：南陽郡有渥陽縣，在今河南省鎮平縣南。

⑩列口：縣名，屬樂浪郡。胡三省謂其地當列水入海之口。按列水自西東流，由平壤西南入海。

⑪所封：周武王封箕子於朝鮮。

⑫辟：讀僻。

⑬臧：讀藏。

⑭浮桴於海，欲居九夷：論語公冶

長「子曰，道不行，乘桴浮于海。」桴音浮，編竹木爲之，大者曰筏，小者曰桴。論語子罕：「子欲居九夷。」

⑮名義考云：「九夷，東夷也，箕子之封國，即今朝鮮，俗仁而壽，夫子欲居者此也。」

⑯帝三年六月，封子端爲膠西王，有今山東省膠、高密等縣地。端薨無後，國除。淹法：能優其德曰子。

⑰武都氏：古白馬氏地，漢置武都縣，爲武都郡治，因稱武都氏。漢武都縣即今甘肅省武都縣。

⑱四年：西元前一〇七年。

⑲（一）冬十月，上行幸雍，祠五畤，通回中道，遂北出蕭關，歷獨鹿、鳴澤，自

代而還，幸河東。春三月，祠后土，赦汾陰、夏陽、中都死罪以下。

(二)夏，大旱。

(三)匈奴自衛、霍度幕^⑤以來，希復爲寇，遠徙北方，休養士馬，習射獵，數使使於漢，好辭甘言，求請和親。漢使北地人王烏等窺匈奴。烏從其俗，去節入穹廬^⑥；單于愛之，佯許甘言，爲遣其太子入漢爲質。漢使楊信於匈奴。信不肯從其俗。單于曰：「故約，漢嘗遣翁主，給繒絮食物有品^⑦，以和親，而匈奴亦不擾邊；今乃欲反古，令吾太子爲質，無幾矣^⑧」，信既歸，漢又使王烏往，而單于復譖^⑨以甘言，欲多得漢財物，給謂王烏曰：「吾欲人漢見天子，面相約爲兄弟。」王烏歸報漢，漢爲單于築邸於長安。匈奴曰：「非得漢貴人使，吾不與誠語。」匈奴使其貴人至漢，病，漢予藥欲愈之，不幸而死。漢使路充國佩二千石印綬往使，因送其喪，厚葬直數千金，曰：「此漢貴人也！」單于以爲漢殺吾貴使者，乃留路充國不歸。諸所言者，單于特^⑩空給王烏，殊無意入漢及遣太子。於是匈奴數使奇兵侵犯漢邊。乃拜郭昌爲拔胡將軍，及浞野侯屯朔方以東備胡。

【註】

⑤ 同中：古地名。秦始皇曾建同中宮於此。漢時爲安定郡高平縣地，即今甘肅省固原縣境。

⑥ 穹廬：在今

固原縣東南。

⑦ 獨鹿，鳴澤：服虔曰：「獨鹿，山名；鳴澤，澤名；皆在涿郡遼縣北界。」遼縣，今河北省涿

水縣北。④汾陰、夏陽、中都：汾陰在今山西省榮河縣北，夏陽在今陝西省韓城縣南，中都在今山西省平遙縣西北。

⑤衛霍度幕：見十九卷元狩四年。

⑥穹廬：氈帳。

⑦品：等差。

⑧令吾太子爲質

，無幾矣：胡三省曰：「匈奴自謂本與漢爲鄰敵之國，今乃令以太子爲質，是其國勢削弱，所餘無幾矣。」⑨圖

：古詔字。

⑩特：但。

五年

四元前
一〇六年

（一）冬，上南巡狩，至於盛唐①，望祀虞舜於九疑②，登瀛天柱山③，自尋陽④浮江，親射蛟⑤江中，獲之，舳艫千里⑥，薄樅陽⑦而出，遂北至琅邪，並海⑧，所過禮祠其名山大川。春三月，還至太山，增封。甲子（二十一日），始祀上帝於明堂，配以高祖，因朝諸侯王列侯，受郡國計⑨。夏四月，赦天下，所幸縣，毋出今年租賦。還幸甘泉，郊泰畤。

（二）長平烈侯衛青薨，

（考異）漢武故事云，大將軍四子皆不才，皇后每因太子涕泣，請上削其封。上曰：「吾自知之，不令皇后憂也。少子竟坐奢淫誅，上遣謝后，通削諸子封爵，各留千戶焉。按青四子，無坐奢淫誅者，此說妄也。」起冢象廬山⑩。

（三）上既攘卻胡越，開地斥境，乃置交趾、朔方之州，及冀、幽、并、兗、徐、青、楊、荆、豫、益、涼等州，凡十三部⑪，皆置刺史⑫焉。

（四）上以名臣文武欲盡，乃下詔曰：「蓋有非常之功，必待非常之人，故馬或奔蹏⑬

而致千里，士或有負俗^④之累而立功名。夫泛駕^⑤之馬，駢弛^⑥之士，亦在御之而已。其令州郡察吏民有茂才異等^⑦可爲將相及使絕國^⑧者！」

【註】

④盛唐：縣名，在今安徽省六安縣西。

⑤望祀虞舜于九疑：九疑山在零陵郡營道縣南，亦名蒼梧山，九峯相

似，望而疑之，故名。營道縣故城在今湖南省寧遠縣西，九疑山在縣南六十里。相傳舜死於蒼梧，因葬焉，故武帝望祀之。

⑥灊天柱山：灊縣之天柱山。灊縣故城在今安徽省霍山縣東北。灊音潛。天柱山在南，其峯峭拔如柱，故名。武帝以之爲南嶽。

⑦尋陽：漢尋陽縣在大江之北，今安徽省黃梅縣界。

⑧蛟：龍屬，似

蛇而四脚，細頸有白嬰，大者數圍，能食人。

⑨舳艫千里：言船首船尾相接，千里不絕。船尾把柁處曰舳，

音逐；船頭下櫂處曰舳，音廬。

⑩權陽：縣名，在今安徽省桐城縣東南百里。

⑪並：讀傍。

⑫受郡國計：計，計簿。郡國每歲上計簿於京師，而天子受之。

⑬廬山：胡三省曰：「廬山蓋卽廬山，楊

雄所謂填廬山之壑者也。」顏師古曰：「廬山，匈奴中山名。」

⑭十三部：此處所列十三州名乃本漢書地

理志序。然地理志各郡國下所注州名無朔方、涼州二部，別有司隸，交趾則稱交州，皆與序文相異。按司隸校尉置於武帝征和四年，不在十三州中。又地理志於各郡國之屬何部，有失書者，亦有譌誤者。茲參照王先謙補注及諸家之校訂，錄西漢司隸校尉部及十三州刺史部所統郡國名於下：司隸校尉部：京兆、馮翊、扶風、弘農、河東、河南、河內七郡；豫州刺史部：潁川、汝南、沛郡三郡及梁國一國；冀州刺史部：魏郡、鉅鹿、常山、清河四

郡及趙國、廣平、真定、中山、信都、河間六國；兗州刺史部：陳留、山陽、濟陰、泰山、東郡五郡及城陽、淮陽、東平三國；徐州刺史部：琅邪、東海、臨淮三郡及泗水、廣陵、楚國、魯國四國；青州刺史部：平原、千乘、濟南、北海、東萊、齊郡六郡及菑川、膠東、高密三國；荊州刺史部：南陽、江夏、桂陽、武陵、零陵、南郡六郡及長沙一國；揚州刺史部：廬江、九江、會稽、丹陽、豫章五郡及六安一國；益州刺史部：漢中、廣漢、犍爲、越嶲、益州、牂柯、蜀郡、巴郡八郡；涼州刺史部：隴西、金城、天水、武威、張掖、酒泉、敦煌、安定、北地、武都十郡；并州刺史部：太原、上黨、雲中、定襄、雁門、代郡六郡；幽州刺史部：勃海、上谷、漁陽、右北平、遼西、遼東、玄菟、樂浪、涿郡九郡及廣陽一國；朔方刺史部：朔方、五原、西河、上郡四郡；交趾刺史部：南海、鬱林、蒼梧、交趾、合浦、九真、日南七郡。

⑤刺史：漢書百官表：「監御史，秦官，掌監郡，漢省，丞相遺史分刺州，不常置。武帝初置部刺史，掌奉詔條察州，秩六百石，員十三人。」顏師古引漢官儀曰：「刺史班宣，周行郡國，省察治狀，黜陟能否，斷治冤獄，以六條問事，非條所問卽不省。一條：強宗豪右，田宅踰制，以強陵弱，以衆暴寡。二條：二千石不奉詔書，遵承典制，倍公向私，旁詔牟利，侵漁百姓，聚斂爲姦。三條：二千石不卹疑獄，風厲殺人，怒則任刑，喜則任賞，煩擾苛暴，剝戮黎元，爲百姓所疾；山崩石裂，妖祥詭言。四條：二千石選置不平，苟阿所愛，蔽賢寵頑。五條：二千石子弟，恃怙榮勢，情託所監。六條：二千石違公下比，阿附豪強，通行貨賂，割損政令。」按諸州刺史僅司監察之責，非親民之官。

⑥奔蹏：顏師古曰：「蹏，踴也。奔，走也。奔蹏者，乘之卽奔，立則蹏人也。」蹏音第。王念孫曰：「案師古分奔蹏爲二義，非也。蹏亦奔也，蹏之言馳。奔蹏猶奔馳耳。馬行疾則能致遠，故曰馬或奔蹏而致千里，馬行疾則恐有覆車

之患，故下文曰泛駕之馬亦在御之而已。若訓蹏爲蹏，則與下文都不相涉矣。」

負俗：晉灼曰：「謂被

世譏論也。」

⑤泛駕：覆車。泛同覆，晉諷。

⑥蹏蹏：放任無檢束。顏師古曰：「蹏者，蹏落無檢

局也；弛者，放廢不遵禮度也。」蹏音拓，弛同弛，晉豕。

⑦茂才異等：應劭曰：「舊言秀才，避光武諱

稱茂才。異等者，超等軼羣，不與凡同也。」

⑧絕國：絕遠之國。

六年西元前一〇五年

(一)冬，上行幸回中。

(二)春，作首山宮①。

(三)三月，行幸河東，祠后土，赦汾陰殊死以下。

(四)漢既通西南夷，開五郡②，欲地接以前通大夏，歲遣使十餘輩，出此初郡，皆閉昆明，爲所殺，奪幣物。於是天子赦京師亡命，令從軍，遣拔胡將軍郭昌將以擊之，斬首數十萬。後復遣使，竟不得通。

(五)秋，大旱，蝗。

(六)烏孫使者見漢廣大③，歸報其國，其國乃益重漢。匈奴聞烏孫與漢通，怒，欲擊之。又其旁大宛、月氏之屬皆事漢。烏孫於是恐，使使願得尙漢公主，爲昆弟。天子與羣臣議，許之。烏孫以千匹馬聘漢女。漢以江都王建④女細君爲公主，往妻烏孫，贈送

甚盛。烏孫王昆莫以爲右夫人。匈奴亦遣女妻昆莫，以爲左夫人。公主自治宮室居，歲時一再與昆莫會，置酒飲食。昆莫年老，言語不通，公主悲愁思歸。天子聞而憐之，間歲遣使者以帷帳錦繡給遺焉。昆莫曰：「我老，」欲使其孫岑娶尙公主；公主不聽，上書言狀；天子報曰：「從其國俗，欲與烏孫共滅胡。」岑娶遂妻公主。昆莫死，岑娶代立爲昆彌。是時，漢使西踰葱嶺，抵安息。安息發使以大烏卵及黎軒善眩人獻于漢，及諸小國驪潛、大益、車師、扞耆、蘇廹之屬，皆隨漢使獻見天子。天子大悅。西國使更來更去，天子每巡狩海上，悉從外國客，大都多人則過之，散財帛以賞賜，厚具以饒給之，以覽示漢富厚焉。大角抵出奇戲諸怪物，多聚觀者，行賞賜，酒池肉林，令外國客徧觀各倉庫府藏之積，見漢之廣大，傾駭之。大宛左右多蒲萄，可以爲酒，多苜蓿，天馬嗜之。漢使采其實以來，天子種之於離宮別觀旁，極望。然西域以近匈奴，常畏匈奴使，待之過於漢使焉。

（七）是歲，匈奴烏維單于死，子烏師廬立，年少，號兒單于。自此之後，單于益西北徙，左方兵直雲中，右方兵直酒泉、敦煌郡。

①首山宮：首山在河東郡蒲坂縣界，於其下立宮，故曰首山宮。蒲坂在今山西省永濟縣東南。

②五郡：健

爲、越、稽、沈、黎、汝、山、益州。

③烏孫遣使隨張騫報漢事：見上卷元鼎二年。

④江都王建：易王非之

子。

⑤間歲：每隔一年。

⑥岑娶：史記作岑娶，漢書作岑陬。西域傳云：「岑陬者，官號也，名軍須靡。」

。一

⑦昆彌：漢書西域傳云：「昆莫，王號也，名獵驪靡，後書昆彌云。」錢大昕曰：「昆彌卽昆莫，彌

莫聲相轉，其實一耳；莫之爲彌，譯音有輕重，而名號未改。」

⑧大烏卵：鮑鳥卵。

⑨黎軒：西方

古國名。史記作黎軒，漢書作犂軒、犂軒，後漢書作犂鞬，皆同名而異譯。黎軒之爲何國，諸說不一：有指地中

海東部古希臘人之殖民地者；有指西亞中亞，因亞歷山大之東征而曾爲希臘人足跡所至之地者；有指羅馬帝國者

。後漢稱羅馬帝國爲大秦，遂又合黎軒、大秦而爲一。

⑩善眩人：顏師古曰：「眩，讀與幻同。」眩人亦稱

幻人，卽善演幻術之人。幻術猶今之魔術。

⑪驪潛、大益：皆在大宛之西。

⑫扞采、蘇鷲：扞音紆，

采同彌。鷲音謝。扞彌國，南與渠勒、東北與龜茲、西北與姑墨接，西通于闐。在今新疆省于闐縣東。蘇鷲，康

居之小王國。

⑬更來更去：謂遞互來去，前後不絕。更音庚。

⑭覽示：顏師古曰：「言示之令其觀覽。」

⑮見：顯示。

⑯苜蓿：草名，音目宿。

⑰單于庭直代、雲中郡，左方兵直上谷郡以東，右方兵直上郡以西；今單于既徙西北，故其左右方亦徙。

太初元年

西元前
一〇四年

（一）冬十月，上行幸泰山。十一月甲子朔旦，冬至，祠上帝於明堂。東至海上，考入